
Bosna i Hercegovina
Federacija Bosne i Hercegovine
Unsko-sanski kanton
Javna ustanova
Pedagoški zavod
Unsko-sanskog kantona
Bihać



Bosnia and Herzegovina
Federation of Bosnia and Herzegovina
The Una - Sana Canton
Public Institution
Pedagogical Institute
Una-Sana Canton
Bihać

PROGRAM

Smotre sposobnosti, znanja, stvaralaštva i sporta učenika osnovnih škola

Unsko-sanskog kantona za školsku 2025 / 2026. godinu

1. OPĆE ODREDBE

Takmičenja učenika pomažu boljoj afirmaciji vannastavnih aktivnosti, individualnog rada učenika te posebnog rada sa nadarenim učenicima u redovnoj nastavi i ostalim oblicima rada sa učenicima.

Primarni zadatak takmičenja je masovno sudjelovanje učenika i podizanje kvalitete odgoja i obrazovanja u osnovnim školama Unsko-sanskog kantona na viši nivo.

Takmičenja su dostupna učenicima osnovnih škola Unsko-sanskog kantona. Takmičenje ima za cilj da se postignu i određeni drugi efekti razvoja ličnosti učenika na moralnom i društvenom planu. Ono treba da pomogne izgrađivanju samostalnosti i odgovornosti učenika, da podstakne razvoj timskog rada, da izgrađuje duh tolerancije, poštivanja različitosti, da doprinese u odgoju učenika u duhu bosanskohercegovačkog patriotizma, da pomogne u razvoju svijesti o bogatstvu multikulturalnosti i multikonfesionalnosti Bosne i Hercegovine.

Pravo sudjelovanja na takmičenju imaju učenici osnovnih škola Unsko-sanskog kantona.

Učenici će se takmičiti u pojedinačnim oblastima po predmetima, kao i u okviru posebnih projektnih aktivnosti:

- Bosanski, hrvatski, srpski jezik i književnost
- Hemija
- Historija
- Njemački jezik
- Matematika
- Fizika
- Informatika
- Islamska vjeronauka
- Tehnička kultura
- Takmičenje učenika muzike
- Engleski jezik
- Sport
- Civitas projekat „Ja građanin“ – online
- Prva pomoć
- Kulturno-umjetničko stvaralaštvo; završna Smotra sposobnosti, znanja, stvaralaštva i sporta Unsko-sanskog kantona.

U slučaju nedostatka materijalnih sredstava JU Pedagoški zavod USK-a zadržava pravo izmjene sadržaja i kalendara pojedinih takmičenja.

2. ORGANIZACIJA I PROGRAM TAKMIČENJA

2.1. Školska takmičenja

Nastavnička vijeća svih osnovnih škola na svojim sjednicama će odabrati Organizacione odbore koji će provesti školska takmičenja, a u skladu sa **Pravilnikom o provođenju Smotre sposobnosti, znanja, stvaralaštva i sporta učenika osnovnih i srednjih škola, broj: 01-02-16/24 od 21. 06. 2024. godine.**

Školski organizacioni odbori napraviti će programe školskih takmičenja iz svih gore navedenih oblasti. Školski organizacioni odbori odredit će članove komisija i žirija za provođenje školskih takmičenja. Škole će na općinskim/gradskim takmičenjima predstavljati do pet učenika iz svake oblasti, odnosno osam učenika, članova tima u okviru Projekta „Ja građanin“.

O rezultatima školskih takmičenja, Školski organizacioni odbori obavijestit će Općinske/gradske organizacione odbore.

Školska takmičenja učenika osnovnih škola održavaju se prema rasporedu koji odredi škola imajući u vidu termine održavanja općinskih/gradskih takmičenja.

2.2. Općinska/gradska takmičenja

Aktivi direktora osnovnih škola općine/grada izabrat će školu domaćina za održavanje općinskih/gradskih takmičenja.

Aktivi direktora osnovnih škola formirat će Organizacione odbore za provođenje općinskih/gradskih takmičenja.

Općinski/gradski organizacioni odbori biraju predsjednika koji će rukovoditi radom odbora.

Općinski/gradski organizacioni odbori biraju članove komisija i žirija za provođenje općinskih/gradskih takmičenja iz svih oblasti.

O rezultatima općinskih/gradskih takmičenja Općinski/gradski organizacioni odbori obavijestit će JU Pedagoški zavod USK-a.

Za izradu testova i nadgledanje provođenja takmičenja zadužuje se JU Pedagoški zavod USK-a.

2.3. Kantonalna takmičenja

JU Pedagoški zavod USK-a organizira i provodi kantonalna takmičenja.

JU Pedagoški zavod USK-a bira članove komisije i žirija za provođenje takmičenja.

JU Pedagoški zavod USK-a izrađuje detaljan Program kantonalnih takmičenja.

Kantonalna takmičenja će se održavati prema **Kalendaru takmičenja.**

Broj učenika na kantonalnim takmičenjima treba biti srazmjernan broju učenika u općini/gradu.

Kantonalna takmičenja održat će se prema **Kalendaru sposobnosti, znanja, stvaralaštva i sporta učenika osnovnih škola Unsko-sanskog kantona**.

JU Pedagoški zavod USK-a snosi troškove organizacije takmičenja: izrada testova, prijevoz i ishrana učenika i mentora.

Prema prijedlogu JU Pedagoški zavod USK-a i na osnovu dogovora sa direktorima škola, odredit će se škole, domaćini kantonalnih takmičenja. Obaveza škole domaćina je osiguranje prostora i tehničkih uvjeta za održavanje takmičenja.

Za svaku oblast takmičenja utvrđen je broj učenika svake općine/grada.

Kantonalna takmičenja treba završiti prije početka federalnih, državnih i međudržavnih takmičenja.

3. OBLASTI TAKMIČENJA

3.1. Bosanski, hrvatski, srpski jezik i književnost

Pravo sudjelovanja imaju učenici petih i devetih razreda.

Sadržaji proizilaze iz NPP-a.

V RAZRED

Oblasti:

- Književnost: književno-teorijski pojmovi, interpretacija književnog teksta, narodno i umjetničko stvaralaštvo;
- Jezičko područje: pisma našeg jezika, zavičajni govor, azbuka;
- Medijska kultura;
- Gramatika: rečenica, vrste rečenica, riječ, vrste riječi, glas/slovo;
- Pravogovor i pravopis: veliko slovo, upotreba interpunkcijskih znakova, pisanje brojeva slovima, upravni i neupravni govor.

IX RAZRED

Oblasti:

- Književnost: književni tekstovi, književno-teorijski pojmovi;
 - Pravopis;
 - Medijska kultura;
 - Gramatika: fonetika i fonologija, morfologija (tvorba riječi, vrste riječi), sintaksa (sintaksičke jedinice);
 - Leksikologija, stilistika, historija jezika.
-
- *Pitanja na testu za općinsko i kantonalno takmičenje bit će isključivo iz Nastavnog plana i programa za IX razred, osim za oblast gramatike koja će zbog povezanosti navedenih gramatičkih disciplina obuhvatiti gradivo osnovne škole te pravopisa-pravopisnih pravila;*
 - *Pitanja neće pratiti realizaciju Nastavnog plana i programa na redovnoj nastavi;*

- *Forma pitanja na testovima tražit će u većem omjeru funkcionalna znanja od reproduktivnih, odnosno bazirat će se na povezivanje, prepoznavanje i primjenu, rješavanje problema.*

Sa općinskog/gradskog takmičenja učenika petih i devetih razreda na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred koji će biti odabrani na općinskim/gradskim takmičenjima.

Na kantonalnim takmičenjima bit će odabrana tri najuspješnija takmičara za svaki razred.

3.2. Hemija

Pravo sudjelovanja imaju učenici devetih razreda.

Sadržaji proizilaze iz NPP-a.

IX RAZRED

Oblasti:

- Metali
- Ugljik
- Ugljikovodici
- Organski spojevi i živi svijet
- Sintetički spojevi
- Ekologija

Sa općinskog/gradskog takmičenja učenika devetih razreda na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred će biti odabrani na općinskim/gradskim takmičenjima. Na kantonalnim takmičenjima bit će odabrana tri najuspješnija takmičara.

3.3. Njemački jezik

Sadržaji takmičenja proizilaze iz NPP-a.

Takmičenje će se održati prema propozicijama Goethe Instituta iz Sarajeva.

Termini i propozicije takmičenja će se dostaviti školama naknadno, po dobijanju istih od Goethe Instituta.

3.4. Matematika

Pravo sudjelovanja imaju učenici petih, šestih, sedmih, osmih i devetih razreda.

Sadržaji takmičenja proizilaze iz NPP-a i Kurikuluma za 6. i 7. razred.

V RAZRED

Oblasti:

1. Građivo iz prethodnih razreda
2. Brojevi u prvom milionu i računske operacije s njima (osobine računskih operacija)
3. Brojevni izrazi
4. Jednačine i nejednačine
5. Logički i kombinatorni zadaci koji od učenika zahtijevaju da razmišljaju logički, analitički, kritički i apstraktno

VI RAZRED

Oblasti:

1. Građivo iz prethodnih razreda
2. Skupovi, relacije i preslikavanja
3. Kružnica, krug i ugao
4. Prirodni brojevi i računske operacije u skupu prirodnih brojeva (osobine računskih operacija)
5. Brojevni izrazi
6. Jednačine i nejednačine
7. Logički i kombinatorni zadaci koji od učenika zahtijevaju da razmišljaju logički, analitički, kritički i apstraktno

VII RAZRED

Oblasti:

1. Građivo iz prethodnih razreda
2. Cijeli brojevi i računske operacije u skupu cijelih brojeva (osobine računskih operacija)
3. Racionalni brojevi i računske operacije u skupu racionalnih brojeva (osobine računskih operacija)
4. Brojevni izrazi
5. Jednačine i nejednačine
6. Ugao i zbir uglova trougla
7. Logički i kombinatorni zadaci koji od učenika zahtijevaju da razmišljaju logički, analitički, kritički i apstraktno

VIII RAZRED

Oblasti:

1. Građivo iz prethodnih razreda
2. Realni brojevi i računske operacije u skupu realnih brojeva (osobine računskih operacija)
3. Brojevni izrazi
4. Jednačine i nejednačine
5. Pitagorin teorem i njegova primjena
6. Cijeli racionalni izrazi (do kvadrata binoma)
7. Logički i kombinatorni zadaci koji od učenika zahtijevaju da razmišljaju logički, analitički, kritički i apstraktno

IX RAZRED

Oblasti:

1. Građivo iz prethodnih razreda
2. Realni brojevi i računske operacije u skupu realnih brojeva (osobine računskih operacija)
3. Brojevni izrazi
4. Tačka, prava i ravan
5. Funkcije direktne i obrnute proporcionalnosti
6. Linearna funkcija
7. Linearne jednačine i nejednačine
8. Logički i kombinatorni zadaci koji od učenika zahtijevaju da razmišljaju logički, analitički, kritički i apstraktno

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred koji će biti odabrani na općinskim/gradskim takmičenjima.

Na kantonalnim takmičenjima bit će odabrana tri najuspješnija takmičara za svaki razred koji će sudjelovati na federalnom takmičenju iz Matematike.

3.5. Fizika

Pravo sudjelovanja imaju učenici osmog i devetog razreda.

Sadržaji takmičenja proizilaze iz NPP-a.

VIII RAZRED

Oblasti:

- Međudjelovanje sila; kretanje sile
- Pritisak
- Energija i rad
- Toplota

IX RAZRED

Oblasti:

- Naelektrisanje u našem okruženju
- Električna struja
- Magnetsko polje
- Valovi
- Svjetlost
- Prirodne strukture

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa

- po četiri učenika iz općina/gradova: Velika Kladuša, Cazin i Bihać

za svaki razred koji će biti odabrani na općinskim/gradskim takmičenjima.

Na kantonalnim takmičenjima bit će odabrana tri najuspješnija takmičara za svaki razred koji će sudjelovati na federalnom takmičenju iz Fizike.

3.6. Informatika

Pravo sudjelovanja imaju učenici osmih i devetih razreda osnovne škole.

Sadržaji takmičenja proizilaze iz NPP-a za osnovnu školu i poznavanja programiranja u programima Paskal, Basic ili C++.

VIII i IX RAZRED

Oblasti:

1. Opće informatičko znanje
2. Informacija i podatak
3. Softver i hardver
4. Organizacija rada računara
5. Organizacija podataka u računaru
6. Primjena računara
7. Programi za obradu teksta, tablični kalkulatori i multimedijalne prezentacije (MS Word, MS Excel, MS PowerPoint)
8. Programi za crtanje
9. Mreže i internet kao globalna mreža
10. Komunikacija pomoću računara i prijenos podataka
11. Informacija i podatak
12. Brojevni sistemi i računske operacije u njima
13. Arhitektura računara
14. Osnovni principi rada računara
15. Internet servisi
16. Algoritmi
17. Pseudokod
18. Programiranje (Basic, Pascal, C (C++))

Broj učenika na općinskom/gradskom takmičenju odredit će Općinski/gradski organizacioni odbor najviše dva učenika iz jedne škole.

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa

- po četiri učenika iz općina/gradova: Velika Kladuša, Cazin i Bihać

za svaki razred koji će biti odabrani na općinskim/gradskim takmičenjima.

Na kantonalnom takmičenju bit će odabrana tri najuspješnija takmičara koji će sudjelovati na državnom takmičenju.

3.7. Islamska vjeronauka

Pravo sudjelovanja imaju učenici osmog i devetog razreda

Sadržaji takmičenja proizilaze iz NPP-a Islamske vjeronauke i važećih udžbenika za navedene razrede.

Svaka škola na općinsko/gradsko takmičenje uputit će tri takmičara – pobjednika na školskom takmičenju za svaki razred.

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred koji će biti odabrani na općinskim/gradskim takmičenjima.

Na kantonalnom takmičenju pravo sudjelovanja imaju i učenici iz medžlisa koji pripadaju Muftijstvu bihaćkom, a nisu u sastavu Unsko-sanskog kantona kako slijedi:

- po jedan učenik iz Bosanske Kostajnice i Bosanskog Novog,
- dva učenika iz Prijedora.

za svaki razred.

Na kantonalnom takmičenju bit će odabrana tri najuspješnija takmičara koji će sudjelovati na državnom takmičenju iz Islamske vjeronauke.

3.8. Tehnička kultura

Pravo sudjelovanja imaju učenici šestih, sedmih, osmih i devetih razreda. Takmičenje će se održati u pet disciplina. Sadržaji takmičenja proizilaze iz NPP-a. Testovi se rade iz programa nastave Tehničke kulture šestog i sedmog razreda. Praktičan rad se radi iz programa nastave Tehničke kulture osmog i devetog razreda.

- Testovi – program nastave Tehničke kulture (VI i VII razred);
- Izložba radova iz nastave Tehničke kulture (VIII i IX razred);
- Praktičan rad na licu mjesta.

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred, a koji će biti odabrani na općinskim/gradskim takmičenjima.

Na kantonalnom takmičenju bit će odabrana tri najuspješnija takmičara za svaki razred koji će, ukoliko bude mogućnosti, sudjelovati na federalnom/državnom takmičenju iz Tehničke kulture.

3.9. Takmičenje učenika muzike

Prema pravilima JU Umjetnička škola “Nusret Keskin – Braco”, Bihać u okviru “*XXVIII otvorenog Federalnog natjecanja/takmičenja učenika i studenata muzike*”.

3.10. Engleski jezik

Pravo sudjelovanja imaju učenici devetih razreda, te posebno učenici osmih razreda uz ispunjenje propisanih uslova, tj. ukoliko ostvari dovoljan broj bodova na školskom takmičenju.

Sadržaji proizilaze iz NPP-a.

IX RAZRED

Oblasti:

- Grammar
- Vocabulary
- Use of Englis
- Word Formation
- Reading

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ

- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred, a koji će biti odabrani na općinskim/gradskim takmičenjima.

Na kantonalnom takmičenju bit će odabrana tri najuspješnija takmičara.

3.11. Historija

Pravo sudjelovanja imaju učenici devetih razreda.

Sadržaji proizilaze iz NPP-a devetih razreda.

IX RAZRED

Oblasti:

- Svijet krajem XIX i početkom XX vijeka
- BiH u okviru Austro-ugarske monarhije
- Prvi svjetski rat (1914 – 1918)
- Svijet između dva svjetska rata
- Drugi svjetski rat (1939 – 1945)
- Svijet nakon Drugog svjetskog rata
- BiH krajem XX i početkom XXI vijeka
- Savremena historija BiH

Sa općinskog/gradskog na kantonalno takmičenje Općinski/gradski organizacioni odbori će uputiti takmičare kako slijedi:

- jedan učenik iz općine Bosanski Petrovac
- dva učenika iz općine Ključ
- po tri učenika iz općina/grada: Bužim, Sanski Most, Bosanska Krupa
- po četiri učenika iz općina/gradova: Velika Kladuša, Cazin i Bihać

za svaki razred, a koji će biti odabrani na općinskim/gradskim takmičenjima.

Na kantonalnom takmičenju bit će odabrana tri najuspješnija takmičara.

3.12. Sport

Takmičenja iz sporta realizirat će se prema planu takmičenja JU Pedagoški zavod, Udruženja pedagoga tjelesnog odgoja i sporta, a u organizaciji Sportskog saveza USK-a.

Učenici će se takmičiti iz:

- nogometa i košarke – muška kategorija
- odbojke i rukometa – ženska kategorija

3.13. Civitas

Pravo sudjelovanja imaju svi učenici osnovnih škola.

Sadržaji predstavljaju timski pristup identifikaciji i rješavanju problema javne politike u svojim zajednicama.

Svaka škola će na općinsko/gradsko takmičenje uputiti pobjednički tim koji broji osam članova.

Svaka općina/grad će na kantonalno takmičenje uputiti prvoplasiranu ekipu.

Takmičenje prati žiri na svim nivoima takmičenja. Glasanje se vrši bodovanjem prema kriterijima i na odgovarajućim obrascima Projekta „Ja građanin“.

Takmičenje je u organizaciji Ministarstva obrazovanja, nauke, kulture i sporta USK-a.

3.14. Prva pomoć

Provodi se u saradnji nevladinom humanitarnom organizacijom Crveni križ u osnovnim školama Unsko-sanskog kantona. Takmičenje je ekipnog karaktera i ima prohodnost od općinskog/gradskog preko federalnog do državnog. Takmičarska ekipa sastoji se od 6 članova, među kojima su vođa ekipe i rezervni član.

3.15. Kulturno-umjetničko stvaralaštvo

Pravo sudjelovanja na općinskom/gradskom takmičenju imaju svi učenici osnovnih škola Unsko-sanskog kantona dok polaznici predškolskih ustanova imaju pravo sudjelovanja u revijalnom dijelu Smotre na općinskim/gradskim takmičenjima.

Sadržaji predstavljaju dramsko, recitatorsko, folklorno, ritmičko, horsko i kolažno-umjetničko stvaralaštvo sekcija, klubova i grupa učenika osnovnih škola na temu **“Mala sehara velikih čuvara”**.

Obrazloženje teme

“Mala sehara” predstavlja djecu – učenike osnovne škole, koji su možda mali po godinama i iskustvu, ali su spremni da u sebi njeguju i čuvaju veliko blago.

“Veliki čuvari” označava upravo njihovu važnu ulogu: čuvanje i prenošenje tradicije, jezika, kulture, običaja, pjesme, igara i vrijednosti koje su naslijedili od svojih predaka.

Ova tema potiče učenike da kroz pjesmu, ritmiku, igrokaz, folklor, recitacije, hor, kolažno-umjetničko stvaralaštvo otvore svoju “seharu” i pokažu sve ono što su naslijedili i što žele čuvati za budućnost.

U općinama/gradovima sa više škola, svaku školu će na općinskom/gradskom takmičenju predstavljati jedna tačka kulturno-umjetničkog programa, a u općinama/gradovima s manjim brojem škola, škole mogu na općinsko/gradsko takmičenje uputiti i više tačaka kulturno-umjetničkog programa ukoliko se tako utvrdi na Općinskom/gradskom organizacionom odboru.

Na kantonalnoj Smotri svaku općinu/grad će predstavljati jedna tačka kulturno-umjetničkog programa (pobjednik općinskog/gradskog takmičenja). Kantonalna smotra je revijalnog karaktera.

Maksimalno trajanje tačke kulturno-umjetničkog programa je 7 minuta.

Sve tačke kulturno-umjetničkog programa izvode se uživo. Za ritmičke, folklorne i recitatorske dijelove dozvoljeno je korištenje snimljene muzičke pratnje.

4. ZAVRŠNE ODREDBE

4.1. Za sva tumačenja škole se mogu obratiti JU Pedagoški zavod USK-a. Radi omogućavanja što veće masovnosti učešća učenika u takmičenjima, preporučujemo da jedan učenik bude učesnik samo jednog takmičenja čime bi se rasteratili pojedini učenici.

Učenici koji na takmičenjima ne osvoje 30 % od ukupno mogućih bodova, neće se bodovati, niti će se njihov rezultat uzimati u razmatranje prilikom formiranja bodovne liste i nagrađivanja učenika.

4.2. Sve izmjene i dopune Programa može vršiti isključivo JU Pedagoški zavod USK-a i Kantonalni organizacioni odbor.

4.3. Za organizaciju i provođenje Programa odgovorni su JU Pedagoški zavod USK-a, Ministarstvo obrazovanja, nauke, kulture i sporta USK-a, članovi kantonalnog, općinskog i školskog Organizacionog odbora, Crveni križ, Sportski savez, Civitas, u skladu sa dodijeljenim zadacima.

4.4. U slučaju nepredviđenih okolnosti tokom održavanja takmičenja, JU Pedagoški zavod USK-a je ovlašten donijeti odluke i mjere u skladu sa ciljevima i pravilima manifestacije.

4.5. Program se objavljuje na službenoj stranici JU Pedagoškog zavoda USK-a i dostavlja se svim osnovnim školama i nadležnim institucijama radi pravovremenog informisanja i pripreme.

4.6. Obaveza škole domaćina je da **Bilten** o održanom takmičenju dostave na e-mail adresu JU Pedagoškog zavoda USK- a u roku od **dva dana** od dana održavanja istog.

4.7. Za sva tumačenja škole se mogu obratiti JU Pedagoški zavod Unsko-sanskog kantona.

Broj: 03-34-891-1/25

Datum: 03. septembar 2025. godina

D I R E K T O R:

/s.r. Adis Džaferović, prof./